

**ՍԱՐԳԻՍ ԱՐՔԵՂ. ՆԱՍԱՆ-ԶԱԼԱԼՅԱՆԻ ՆԱՆԴԻՊՈՒՄԸ
ՊԱՐՄԻՑ ԹԱԳԱԺԱՌԱՆԳԻ ՆԵՏ**

1822 թ. Արցախի թաթար Մեհրի-Ղուլի խանը փախավ Պարսկաստան: «Բայց նրա փախուստը ճանապարհ բաց արեց պարսից թագաժառանգ Աբաս-Միրզայի 1826 թ. մի նոր արշավանքին դեպի Արցախ և Գանձակ, որի ժամանակ հայերը դարձյալ ցույց տվին իրանց անձնվիրությունը»¹ ռուսներին: Մեհրի-Ղուլի խանի փախուստով Արցախում վերջացավ թաթարների 70 փարի արևած (1752-1822 թթ.) խանությունը:

Բանն այն է, որ 1813 թ. հոկտեմբերի 12-ի Գյուլիստանի պայմանագրով Նայաստանի այդ թվում նաև Արցախի ու հայ ժողովրդի հարցը վերջնական լուծում չստացավ, քանի որ, նախ՝ դեռևս ռուսական փրկապետությունից դուրս էին մնում Արարատյան կամ Երևանի նահանգն ու Նախիջևանի մարզը, ապա՝ Պարսից արքունիքը որոճում էր նոր մի պայրերագմ, որով հույս ուներ նորից իր ձեռքը ձգել հարավկովկասյան այն մարզերը, որոնք ստիպված էր եղել զիջելու Ռուսաստանին: Պարսկաստանը գլխավորապես ցանկանում էր եր ստանալ Արցախը: Դեռևս 1816թ. Պարսից թագաժառանգ Աբբաս-Միրզան պաշտոնապես դիմել էր Ռուսաց կայսրին, Գյուլիստանի պայմանագրով ռուսաց ձեռքն անցած փարսիցներից գտնել Արցախը Պարսկաստանին վերադարձնելու խնդրանքով, սակայն Ալեքսանդր I-ը (1801-1825թթ.) դրա կարարումը անհնար էր համարել:

1825թ. նոյեմբերին ռուսաց կայսր Ալեքսանդր I-ի մահը որոշ խառնաշփոթ առաջացրեց Ռուսաստանում, որից փորձեցին օգտվել պարսիկները:

1826թ. հուլիսի կեսին Պարսից թագաժառանգ Աբբաս-Միրզան 80.000-անոց զորքով և 30 թնդանոթներով անցնում է Երասխը, մտնում Արցախ և մտնում Շուշին: Սկսվում է ռուս-պարսկական երկրորդ պայրերագմը:

Պարսկական բանակի մեջ էին. «...Ղարաբաղի Մեհրի-խանը, Շաքիի Սելիմ-խանը և Շիրվանի Մուստաֆա-խանը, որոնք առաջ ռուսաց կառավարությանը հպարակության երդում էին տվել, իսկ հետո դավաճանելով, փախել էին Պարսկաստան, և պարսից զորքերի հետ վերադառնալով, աշխարհում էին ապստամբեցնել Անդրկովկասի մահմեդականներին ռուսների դեմ»²:

Արցախում, Շաքիում, Շամախիում, Շիրվանում, Գանձակի, Բաքվի խանություններում բռնկվում են մահմեդական բնակչության ապստամբություններ: «Ղարաբաղի պահպանության համար ռուսները թողել էին Եգերյան գորագունդից 6 ռուս միայն,-գրում է Բաֆֆին,- պոլկովնիկ Իոսիֆ Ռեուրի հրամանի ներքո, որոնք գտնվում էին Չանախչի ավանում, որը այդ ժամանակ պարկանում էր իշխան Մադաթովին: Երբ պարսից զորքերը մտնեցան,

1 Բաֆֆի, Երկերի ժողովածու, հ. IX, Երևան, 1987, էջ 583, (ապուկարտե՝ Բաֆֆի):

2 Բաֆֆի, նշվ. աշխ., էջ 583:

պովոլնիկ Ռեուրը թողեց Չանախչին եւ, իր զինվորների հետ փախչելով, հազիվ կարողացավ ամրանալ Շուշի բերդում»³:

Պարսիկ բռնագրավիչների առաջին խնդիրն էր գրավել Արցախի սիրտը՝ Շուշի բերդաքաղաքը, որի բնակչության ճնշող մեծամասնությունը հայեր էին: Ինչպես արձանագրել է Բաֆֆին՝ «Նայերին սպասում էր ընդհանուր կոտորած: Սարսափած ժողովուրդը ամեն ինչ թողած ցրիվ էր եկել, թաքնվել էր լեռների եւ անտառների մեջ: Աբբաս-Միրզան, Պարսկաստանի այդ հայրենասեր թագաժառանգը, Ղարաբաղի ռուսաց զորքերով գրավվիլը վերաբերում էր ոչ այնքան ռուս զինվորների հաղթական սվիններին, որքան հայերի գործակցությանը հոգուր ռուսների (եւ իրավ, ռուսները Ղարաբաղը փրկելու համար ամենեւին արյուն չէին թափել): Այդ էր պարզապես, որ նա կամենում էր պարզել հայերին, որոնք, նրա կարծիքով, դավաճանել էին Պարսկաստանի դարեւոր հպարակության դեմ»⁴:

Շուշիի բնակիչներն առաջին իսկ օրից ռուսական կայագործի հետ միասին խիզախ պաշտպանության անցան:

Պարսկական զորաբանակը զբաղված էր Շուշիի ու Գանձակ-Ելիզավետպոլի նվաճման գործով: Վերջինս ընկավ կարճ ժամանակում: Իսկ Շուշին պաշտպանող (1826 թ. հունիսի 25 – սեպտեմբերի 10) 1700 հոգիանոց ռուսական կայագործն ու շրջակա 22 հայկական գյուղերից նրան օգնության եկած 1500 հայ աշխարհագորայինները 48 օր հերոսաբար պաշտպանվեցին պարսկական բազմահազարանոց բանակից եւ ցուցաբերեցին աննկուն կամք բերդի պաշտպանության գործում⁵: Այս ընթացքում հայերի ցուցաբերած անձնվիրության մասին Արցախի ռուսական 42-րդ եգերյան զնդի հրամանապար գեղապետ Ռեուրը, Նովկասի կառավարչապետ՝ զեներալ Ալեքսեյ Երմոլովին գրել է. «Բերդը պաշտպանող հայերի վերաբերյալ պարպրս եմ համարում բացառել, որ նրանց ծառայությունն արժանի է ամենայն ուշադրության, որովհետև նրանք անխտիր գործում էին գերազանց քաջությամբ, դիմացան բազմաթիվ գրոհների, եր մղեցին թշնամուն՝ պարճառելով խոշոր կորուստներ, արհամարհում էին պարենի պակասը եւ բնավ չէին մտածում բերդը հանձնելու մասին, թեև վրա էր հասել կարարյալ սովը»⁶:

Իսկ զեներալ Երմոլովը Նիկոլայ I ցարին ուղղված 1826 թ. սեպտեմբերի 17-ի զեկուցագրում հայտնում էր. «Աբբաս-Միրզան հազիվ թե համարձակվի եւս մեկ ճակատամարտ փայ Ղարաբաղում, քանի որ ես սպասում եմ, որ դրա (Արցախի – Ս. Ն.Ջ.) բնակիչները, որ հայեր են, եւ մեզ մշտապես հավաքարիմ, ոչ միայն պարենավորման ոչ մի միջոց չեն փրկ, այլև կոչնչացնեն նրա (Աբբաս-Միրզայի – Ս. Ն.Ջ.) ցարությունը»⁷:

Շուշի բերդաքաղաքի պաշտպանությանն ակնհայտ պարմագիր Միրզա Յուսուֆ Ներսեսովը վկայում է. «Բաղաքի հայ բնակիչները ամեն հարցում ռուսների հետ միասնաբար գործելով՝ ճիգ ու ջանք չէին խնայում նրանց նվիրված կերպով ծառայելիս... Այն աստիճան, որ որոշ ժամանակ անց հայերի վրա բարկացած Աբբաս-Միրզան հրամայում է, որ ով

3 Անդ:

4 Անդ, էջ 568:

5 «Նայ ժողովրդի պատմություն», հ. V, Երևան, 1974, էջ 139:

6 **Потто**, Первые добровольцы Карабаха в эпоху водворения русского владычества, Тифлиси, 1902, с.62.

7 **Г. Эзовь**, Сношения Петра Великого с армянским народом, СПб, 1898, с.СХХІІІ.

որ հայի գլուխ բերի, 10 աշրաֆի կսպանա: Այդ պարճառով հայերից շարերն են սպանվում»⁸:

Աբբաս-Միրզայի բարկությունը մեղմելու և հայ ժողովրդին նրա վրեժխնդրությունից ազատելու նպատակով, Արցախի մեկտրոպոլիս Սարգիս արքեպիսկոպոս Նասան-Ջալալյանի գլխավորությամբ, նրան են ներկայանում Ջրաբերդի մելիք Վանի Աթաբեկյանը և Գյուլիստանի մելիք Նովսեփի Մելիք-Բեգլարյանը: «Պարսից թագաժառանգը ընդունեց նրանց Խան-բենդի գյուղում (այժմյան Արցախի Նանրապետության մայրաքաղաք Սյրիփանակերպում – Ս. Ն.Ջ.), որը գտնվում է Շուշի բերդից մի քանի վերսպ հեռավորության վրա»⁹:

Արցախի աշխարհիկ և հոգևոր բարձրաստիճան այրերը «...կարողացան ոչ միայն մեղմել թագաժառանգի բարկությունը, այլև արժանացան նրա առաձին հարգանքին: Աբբաս-Միրզան շնորհեց նրանց փառավոր «խալաթներ» և հանգստացնելով ճանապարհ դրեց, խոստանալով, թե հայոց ժողովրդին ոչինչ վնաս չի հասցնի, եթե հայերը հավատարիմ կմնան Պարսկաստանին և կդադարեն ռուսներին օգնելուց: Իհարկե, հայերը չէին կարող չհամակրել ռուսներին...նրանք եղան, որ ամեն հնարներով նպաստեցին ռուսաց հաղթություններին Աբբաս-Միրզայի դեմ և Ղարաբաղը բռնաբերված մարքեցի պարսից զորքերից: Այնուամենայնիվ, Սարգիս միտրոպոլիտի և նրա ընկեր երկու մելիքների փեսությունը Աբբաս-Միրզայի հետ բավական թանկ նստեց նրանց համար»¹⁰:

Պարսկական զորքերի հանկարծակի հարձակման առաջին հաջողությունները կարճապես եղան: 1826 թ. սեպտեմբերից հայ աշխարհագորայիններն ու ռուսները ռազմաճակատի բոլոր կետերում սկսեցին ջարդ փայ պարսիկ զորքերին: Այդ հաջողություններից առաջինը Շամբորի ճակատամարտն էր, որտեղ ռուս զինվորներն ու նրանց ամեն ինչով օգնող հայ աշխարհագորայինները հայազգի գեներալ Մադաթովի գլխավորությամբ ջախջախեցին պարսկական 10000-անոց բանակը և վերանվաճեցին Գանձակ-Ելիզավետպոլը:

Նաջողությունն էր ուղեկցում նաև ռազմաճակատի մյուս կետերում մարտնչող ռուսներին ու հայ աշխարհագորայիններին: Նրանք իրար երեսից գրավում էին պարսիկներին անցած բնակավայրերը, ազատագրում բնակչությանը: Պարսկական զորքերը փախուստի են դիմում, հեռանալով նաև Շուշից, որը 48 օր հերոսաբար պաշտպանվեց և չհանձնվեց պարսիկներին:

Եւ, ահա, երբ Աբբաս-Միրզայի բանակը շարվում է Արաքսից այն կողմ, Կովկասի կառավարչապետ՝ գեներալ Երմոլովի հրամանով գեներալ Մադաթովը ձերբակալում է Արցախի մեկտրոպոլիս Սարգիս արքեպ. Նասան-Ջալալյանին, մելիք Վանուն և մելիք Նովսեփին՝ ռուսաց կայսրության նկատմամբ անհավատարմության մեղադրանքով: Մելիքներն ուղարկվում են Բաբու, իսկ Սարգիս մեկտրոպոլիտը՝ Թիֆլիս, Ներսես Աշտարակեցու մոտ, որպեսզի վերջինս բնությունը պարզի իսկությունը¹¹:

Այդ առթիվ Բագրատ Ուրուբաբյանը գրել է. «Դավաճանի խարանով Թիֆլիս Ներսես

8 Միրզա Յուսուֆ Ներսեսով, Ըշմարպացի պարմություն, թարգմանությունը բնագրից, ներածությունը և ծանոթագրությունները Քրիստինե Կոստիկյանի, Երևան, 2000, էջ 123-124:

9 Բաֆֆի, էջ 568:

10 Բաֆֆի, էջ 568-569:

11 Բաֆֆի, էջ 569:

Աշխարհակեցու՝ Գանձասարի կաթողիկոսությունը վերացնողի դապաստանին էր ուղարկվում Սարգիս մերձապոլիսը՝ Նասան-Ջալալյան փառավոր քոհմի ներկայացուցիչը, ռուսական կողմնորոշման անխուս՝ դարբին Եսայի կաթողիկոսի գայիսունի արժանավոր ժառանգորդը»¹²:

Ալեքսեյ Երմոլովի՝ 1826 թ. դեկտեմբերի 2-ին Ներսես Աշխարհակեցուն հասցեագրած նամակում կարդում ենք. «Ղարաբաղի ապստամբության ժամանակ, երբ քրեական յոյսը մնացել էր միմիայն հայոց վրայ, որպես իր կողմնակիցների, Սարգիս արքեպիսկոպոսը ոչ միայն նսեմացրեց իրեն գարշելի դատաճանաչմամբ և անձնապարհ էր Աբրահամ-Միրզային, այլև յորդորում էր գործել նոյնը հայոց ժողովրդի առաջնորդին: Նա ներկայանալով Շուշուայ բերդի փակ, գովաբանում էր Ղազարի (Աբրահամ-Միրզայի) վեհանձնությունը և համոզում էր բերդը պաշտպանող հայերին անձնապարհ լինել: Թշնամեաց բանակում, խաչը ձեռքին, նա Աստուծոյ օրհնությունն էր հայցում այն չարագործին, որ առաջնորդում էր առաջնորդին և երբ սոքա սրի էին մարնում ձեռքներն ընկած թշուառներին: Այսուամենայնիւ, հարգելով նորա (Սարգիս – Ս. Ն.Ջ.) բարձր աստիճանը և պաշտպանելով այն նախապիսիքից, որին մարտի էին ենթարկել նորան բարեմիս Նայթ, վասն զի երբ նա յորդորում էր հայոց՝ դատաճանել, սոքա բերդից կոչում էին նորան մօլլա-Սարգիս, - և հրամայեցի ուղարկել նորան Թիֆլիզ իբրև մի մարդու, որ արժանի է խիստ պարժի: Այդ պարժի կը սպասեմ և Ձերդ սրբազնության խաղաղաստեղծությունից, վասն զի դուք էք Նայթ ազգի հաւարարմական զգացմանց պահապանը»¹³:

Սարգիս Նասան-Ջալալյանին ձերբակալած և Թիֆլիս ուղարկած հայազգի գեներալ Մաղաթովի՝ 1826 թ. դեկտեմբերի 12-ին Ներսես Աշխարհակեցուն ուղղված նամակում էլ մասնավորապես կարդում ենք. «Կարարելով այսպիսի երկրամասի կառավարչապետ պ. հեղափոխության գեներալ և կավալեր Երմոլովի կամքը, պարիս ունեն Ձերդ Սրբազնության մոտ ուղարկելու Սարգիս արքեպիսկոպոսին: Նրա արարքների մասին, որոնց համար նա ուղարկվում է Ձեր մոտ, պ. կառավարչապետը իր վրա վերցրեց փողեկացուն Ձերդ Սրբազնությանը: Իսկ և իմ պարբեր եմ համարում հաղորդել, որ նրա վարմունքը այնքան անթույլարկելի էր, որ Նորին Գերագանցությունը հրամայեց ինձ ուղարկման ժամանակ նրա նկարմամբ ունենալ խիստ հսկողություն, պահպանելով, սակայն, ողջ անհրաժեշտ հարգանքը նրա բարձր աստիճանի նկարմամբ, ինչը և իմ կողմից կարարվել է ճշգրտորեն»¹⁴:

Սարգիս արքեպիսկոպոսին Թիֆլիս ուղարկելու կապակցությամբ Արցախի ռուսական 42-րդ գնդի հրամանատար գնդապետ Ռեուպը 1826 թ. դեկտեմբերի 26-ի հրամանագրով: Գնդապետ Ռեուպը հրահանգել էր Սարգիս արքեպ. Նասան-Ջալալյանի համար սահմանել պարշաճ և անվտանգ ուղեկցող պահակախումբ՝ ապահովելով խիստ հսկողություն սրբազանի հանդեպ, միաժամանակ պահպանելով ողջ անհրաժեշտ հարգանքը նրա բարձր աստիճանի նկարմամբ¹⁵:

12 Բագրատ Ուլուբաբյան, Նայթ Արևելից Կողմանց եկեղեցին և մշակույթը, Երևան, 1998, էջ 252:

13 Ալեքսանդր Երիցեան, Ամենայն Նայթ կաթողիկոսությունը և Կովկասի հայք XIX դարում, հ. Ա, Թիֆլիս, 1894, էջ 253-254:

14 Աբրահամ Մաղաթյան, Արցախի մեկնությունները և մեկնական փոքր XVII-XIXդդ., Երևան, 2007, էջ 143-144, (այսուհետև՝ Ա. Մաղաթյան):

15 Տե՛ս անդ, էջ 293:

Լեոն, քննական ուշադրություն դարձնելով Երմոլովի 1826 թ. դեկտեմբերի 2-ի Ներսես Աշտարակեցուն ուղղված նամակի վրա, նկատել է, որ հերյուրված բամբասանք է Սարգսին Շուշիի բերդի փակ փանելու և այնպեղ պարսկասիրական ելույթ ունենալու պարամոթյունը: «Այս, - գրել է նա, - ...մի պարզ հերյուրանք է, եթե նկատի առնենք այն, որ մի պաշարված բերդի պարիսպներին չի կարելի մոտենալ այնքան, որ դեռ կարելի լինի խոսքի բռնվել ներսըցիների հետ, իսկ փոխանակ հայեռյանքների՝ հեշտ էր ընդմիջար լեցնել այդքան վրանգավոր պրոպագանդիստին՝ գնդակահարելով նրան»¹⁶:

Մելիք Վանին Ամենայն Տայոց Կաթողիկոս Եփրեմ Չորագեղցուն գրած նամակում այսպես է ներկայացնում Աբբաս-Միրզայի մոտ գնալու շարժառիթները. «... եթե ոչ գնացից... առ նոսա, ժողովուրդ... առ հասարակ մարնին ամենայն ընչիս ի կորուստ: Չայս միայն գմբաւ ածեալ՝ թէ ես միայն մարնեցայց, որով ժողովուրդ ապրեցուցից ի գերութենէ անօրինաց... Վերջապէս գնալն... առ պարսիկսն, եղև առ օգրի հասարակ ժողովրդոց... հայոց»¹⁷:

Ինչպես արևմուտն ենք, մեկտրոպոլիս Սարգիս Նասան-Ջալալյանի ու մելիքների արածն, իհարկե, ճարահար քայլ էր, որին գնացել էին երեք հայրենասեր, ռուսական կողմնորոշման ջարագով մարդիկ, և կարարվածը ոչ թե նրանց մեղքն էր, այլ ռուս հրամանատարության, որը նախօրոք չէր մտածել բերդի պաշարամոթյան մասին, հակառակը փողեկանալով Աբասն անցած պարսից զորքերի առաջխաղացման մասին, Թիֆլիսում նստող Կովկասի կառավարչապետ գեներալ Երմոլովը կարգադրել էր Արցախում գտնվող ռուսական կայագործի հրամանատար գեդապետ Ռեուրին «համախմբվելով Ավերարանոցում՝ թողնել երկիրը (այսինքն՝ Արցախը – Ս. Ն. Ջ.) և նահանջել դեպի Թիֆլիս»¹⁸: Չէր նահանջել այն պարզ պարճառով, որ չէր հասցրել:

Երմոլովի վերոհիշյալ հրամանով արդեն քանիերորդ անգամ, ապացուցվում է, որ ռուսները նպարակ չունենին օգնելու հայ ժողովրդին, և սուր են ու կեղծ նրանց՝ հայ ժողովրդի հանդեպ ունեցած «դարավոր բարեկամական» վերաբերմունքի դրսևորումները: Ռուսները մշտապես օգրագործել են անդրկովկասյան ժողովուրդներին՝ այդ թվում և հարկապես հայերին իրենց ազգային, պետական շահերի սպասարկման համար:

Արցախի մեկտրոպոլիս Սարգիս արքեպ. Նասան-Ջալալյանը ութ ամիս բանարակված մնում է Թիֆլիսում¹⁹: Կալանքի շրջանում նրա հոգեկան ծանր ապրումների մասին է վկայում 1827 թ. մայիսի 11-ի Ն. Ալամդարյանի նամակը ուղղված Ներսես Աշտարակեցուն, որպեղ կարդում ենք. Ն. Ալամդարյանը հայրնում է, թե «Մրբագան Սարգիս մեկտրոպոլիս մնացեալ կայ ասար ի վարանս, և բարոք է աուրք միով յառաջ ուղևորել գնա աստէն»²⁰:

Մի քանի օր անց՝ մայիսի 20-ին, Աշտարակեցուն ուղղված նամակում Միմեոն արքեպիսկոպոս Բզնունյանցը գրում է. «Սարգիս արքեպիսկոպոս մեկտրոպոլիս հիւանդ է, գիս թախանձանօք խնդրեաց, որ գրեմ սրբութեանդ. կասէ թէ յաջ քո յիս, և մի մոռանար գիս: Որքան ի մարմնի եմ սրբութեանդ երախտիքն չեմ մոռանալ, խնդրեմ օր մի յառաջ իմ վանքն ուղարկես գիս»²¹:

16 Լեոն, Երկերի ժողովածու, հ. IV, Երևան, 1984, էջ 412, (այստեղտեղ՝ Լեոն, հ. IV):

17 Ա. Մաղալյան, էջ 116:

18 Լեոն, հ. IV, էջ 410:

19 Բաֆֆի, էջ 569:

20 Ա. Մաղալյան, նշվ. աշխ., էջ 144:

21 Անդ:

Ներսես Աշտարակեցին Աղվանից հինավուրց կաթողիկոսությունը արդեն վերացրել էր, հիմա արդարամտությամբ բազմակողմանի քննության ենթարկեց Սարգիս Նասան-Ջալալյանի գործը, հարցաքննեց նրա բազմաթիվ վկաներին՝ ընդ որում նա՛ կողմնակիցներին, նա՛ հակառակորդներին: Եւ երբ այլևս պարզապես էր եզրակացությունը, պէտք է գեկուցեր վերադասին՝ Երմոլովին: Երմոլովը գնացել էր արդեն, և նրա պաշտոնը զբաղեցնում էր գեներալ Իվան Պասկեւիչը: Ուստի ևս 1827թ. հունիսի 14-ին Պասկեւիչին գրեց պարասխան-բացարձություն, որի մեջ ասված էր, թե Սարգիս մեկուսացվելու էր ոչ թե օգնել է պարսիկներին, այլ կարարել է այն, ինչը պարտավոր էր անել իրեն վստահված հավաքացյալների համար, մանավանդ, երբ գեներալ Երմոլովը կարգադրել էր գնդապետ Ռեուսին՝ թողնել Շուշին և նահանջել դեպի Թիֆլիս, որովհետև իրենք՝ ռուսները «բոլորովին թողնում են այս երկիրը»:

Բացի այս ամենից Սարգիս Նասան-Ջալալյանն իմացել էր նաև, որ ռուսներն իսկապես հեռացել են Գանձակ-Ելիզավեպոլից, իսկ պարսիկներն այնպեղից բշտկվել էին շուրջ 1500 հայ գերիների, որոնց փրկությունն, անշուշտ, իր (Սարգսի – Մ. Ն.Ջ.) խոսքից ու դիրքից էր կախված լինելու:

«Նաասարիանալով այս մասին և ուրիշներից Սարգիս արքեպիսկոպոսը սրիպումած է եղել ներկայանալ Աբբաս-Միրզային և ականապես վկայ լինել՝ թե ինչպես ջարդում են պարսիկները խորեանց ձեռքն ընկած հայերին: Տեսնելով իր դաւանակցաց այդ թշուառ վիճակը և կարեկցելով նոցա, արքեպիսկոպոսը յայտնել է Աբբաս-Միրզային, թե երբ այս երկիրը եղած է պարսից կամ ռուսաց իշխանութեան ներքոյ, բնակիչները հպարակ են եղած փրկողին. հիմա, եթէ այս երկիրը պէտք է մնա պարսից ձեռքին, ինչ օգուտ կայ բնակչաց ջարդելուց: Այդպիսի հորդորիչ խօսքերով նա համոզել էր Աբբաս-Միրզային այլևս Նայոց չմարտել անտրանելի փանջանքների և ահա այդ միջոցով նա ազատել էր մօտ 60 հայերի անխորշելի մահից: Սարգիս արքեպիսկոպոսի ասածները հաստատում են արժանահաւար վկաներով: Իսկ այն լուրերը, որ հասել են գեներալ Երմոլովի ականջին, իբր թէ Սարգիս արքեպիսկոպոսը յորդորած է եղել հայոց ապստամբուի և կամ իբր թէ բերդի պարսպից կոչած են նորան մօլլա, բոլորովին անճիշտ են, որովհետև քննութեամբ այդ ոչ մէկը չհաստատուեցավ և բոլորը բամբասանք դուրս եկաւ: Իսկ հայերը, պահպանելով իրեանց հաւարարիմ հպարակութիւնը առ ռուսաց զանր, այս ապստամբության բոլոր ժամանակն էլ մնացին անսասան... Կեանքաբնակիմ հաւարացնել ձեզ, որ ոչ ոք՝ ոչ միայն հոգևորականներից, այլև աշխարհականներից անգամ, որ միայն հայի անուն է կրում, չէր արարատորի իրեան այդպիսի գարշելի դաւանանութեամբ:

Այդպես, ահա, բոլոր հանգամանքներից երևում է, որ Սարգիս արքեպիսկոպոսը բոլորովին անմեղ է և մեղադրանաց ոչինչ առիթ չէ տրուած: Վասն որոյ կամ բարեհաճեցէք հաւաստիանալ այս մասին նորանոր քննութեամբ, և կամ բաւականանալով վերաբերեալ փնտրութիւններովս, թոյլ տուէք Սարգիս արքեպիսկոպոսին վերադառնալ իր բնակութեան փնդը՝ Ղարաբաղ»²² - գրել է Աշտարակեցին:

Ի պարասխան Աշտարակեցու՝ Կովկասի կառավարչապետին ուղղված վերոհիշյալ նամակի, Իվան Պասկեւիչը 1827 թ. հունիսի 15-ին պարասխան նամակ է ուղարկում Ներ-

22 Ա. Երիցևան, էջ 255-256:

սես Աշխարակեցուն՝ հայրներով Սարգիս արքեպս. Նասան-Ջալալյանին ազատ արձակելու և Արցախ վերադառնալու թույլտվություն փախու մասին²³:

Ներսես Աշխարակեցին իր գրություններից մեկում հանգամանորեն ներկայացնում է մեկտրոպոլիս Սարգիս Նասան-Ջալալյանի ձերբակալության հետ կապված Երմոլովի բանասարկությունները և բացահայտում մեղադրանքների անհիմն լինելը: Վավերագրում կարդում ենք. «Գրությունը վասն Սարգիս արքեպիսկոպոսին սուր են բոլորովինք և անհիմն ըստ ամենայնի վասն խաչին և անկարանին, և յորդորելոյ զժողովուրդն հայոց յանհաւարարմութիւն իւրոյ Կ. Մեծութեանն, և են այնոքիկ պատրանք սրաբանից, որով Նորին բարձր գերագանցութիւնն Ալէքսէյ Պերմոլովիչ Երմոլովն ըստ հասարակ սովորութեան իւրում պատրեալ այնպէս, նախ գրեալ էր առ իս, և հրամայեալ էր Կառավարութեան Ղարաբաղոյ յղել զնա առ իս վասն դատապարտութեան»²⁴:

Ա. Խոսրոբաշյանի՝ Պերերբուրգից Ներսես Աշխարակեցուն ուղղված 1827թ. մարտի 30-ի նամակում էլ մասնավորապես ասված է. «Նին կուսակալն թեպէր առ ձեզ և առ ազգն մեր բարեհաճութիւն ցուցանէր, սակայն աստ բազում վարաբանութիւնս գրէր»²⁵:

Լեռն գրում է. «...Երմոլովը, որ մի կողմից խոստովանում էր, թէ հայերն են այն միակ վստահելի փարբը, որի վրա յենում էր ռուսաց փիրապետութիւնը, իսկ միւս կողմից Պերերբուրգ թղթեր էր ուղարկում հայաբնակութեամբ լիքը, պահանջում էր, որ Սարգիսը ամենախիստ պատիժը կրէ, որպէս զի հայերի հաւարարմական հոգակը վրանգի չենթարկուի: Սակայն Ներսէսը քննութիւն կատարեց, որ և ապացուցեց թէ Երմոլովի մեղադրանքները զուր գրապարտութիւններ են և դրանց աղբիւրը գններալ Մաղաթովն է»²⁶:

Ինչպէս րեսնում ենք, թեև Ալէքսէյ Երմոլովը րեղում բարեհաճություն էր ցույց փալիս հայերին, սակայն գաղարնի գրապարտող և վարաբանող նամակներ էր գրում արքունիք: Յավոք, նրան այդ «գործում» օգնում էր հայագգի իշխան, գններալ Մաղաթովը²⁷:

Սրանալով Կովկասի կառավարչապետի պատրասխանը՝ Ներսես Աշխարակեցին 1827թ. հունիսի 17-ին նամակներ է գրում և՛ Սարգիս Նասան-Ջալալյանին և՛ արցախահայությանը՝ հայրներով Պասկելիչի դրական որոշման մասին: Սարգիս Նասան-Ջալալյանին ուղղված նամակում Աշխարակեցին գրել է. «Աշխարհն ըստ իւրում սովորութեան կամեցաւ թեպէր դատապարտել զձեզ, այլ արդարութիւն աստուածային իրաւանց յաղթող գրեալ աշխարհի՝ արդարացոյց զձեզ վկայել ճշմարտութեանց ձերոց ի ներգործութիւնս սրբի և մրաց Նորին բարձր գերագանցութեան նորոց կուսակալի գններալ արիւրանր Իւան Ֆելքիչ Պասքելիչ իրաւաւթ գորապետի և գլխաւոր կառավարչի, որպէս ունիք նկատել յօրինակի գրութեանն Նորին մեծանձնութեան:

Այսուհետև ընդարձակ են ձեզ ճանապարհք ձեր, և ըստ համաձայնութեան հաճոյից իւրոյ սրբազնագոյն օծութեան Վեհափառ Տեառն մերում յորժամ և կամք իցեն ձեզ վերադառնալ յարթ ձեր՝ կարօղ էք ճանապարհորդել ազատօրէն, և վասն հարկատրացն ճանա-

23 Ա. Մաղալյան, էջ 301:

24 Անդ, էջ 145:

25 Անդ:

26 ԼԵՕ, Պարմութիւն Ղարաբաղի Նայոց Թեմական Նոգետր Դպրոցի 1838-1913, Թիֆլիզ, 1914., էջ 113:

27 Գններալ Վալերիան Մաղաթովը՝ նույն ինքը Ռոստոմ Մեհրաբյանը, Վարանդայի մելիք Շաննազարի ջորեպանի որդին է՝ ծնված Վարանդա գավառի Չաննախչի գյուղում, (րեն Բաֆֆի, էջ 534, 579):

պարհորդության ձերոյ յայտնեալ եմ ամենախոնարհաբար սրբազնագոյն Տեառն մերում եւ յանձնեալ հարազարի մերում պարտաբաժան Կրկն Յարութիւն աւագ քահանայի Մանուկեանն հոգ կալնուլ՝ եւ Կրկն Յարութիւն գարծանատրն առ ապահովելոյ զճանապարհորդութիւն ձեր:

Ի վերջո քննությունը լիովին ապացուցում է Արցախի մերթապաղի Սարգիս արքեպ. Նասան-Ջալալյանի անմեղությունը եւ նրան ազատ եւ արձակում 8 ամիս (1826թ. նոյեմբերից մինչեւ 1827թ. հունիս) ձգված բանտարկությունից հետո: 1827թ. հուլիսի 2-ին Սարգիս Նասան-Ջալալյանը վերադառնում է Արցախի²⁸ ու, թեւ վախճանաբար, շարունակում է իր հոգևոր գործունեությունը:

Նրա վերջին նամակներից է «Ղարաբաղու կամեղանք Կրկն Կապիւրան եւ կառաւր Սիմօն Կալաշեւսկոյն» հասցեագրված գրությունը, որով նա պարասխանում էր ռուսական կայսրության պաշտոնյայի հարցմանը՝ «Ղարաբաղու վանօրէից, եկեղեցեաց եւ յանապարհաց դրութենէն կառավարութենէն»:

Մերթապաղի Կալաշեւսկոյն խնդրելով վերադասին հայտնել Ղարաբաղի վանք-պարկան՝ մասնավորապէս Գանձասարի վանքի, Դաղի վանքի եւ Նակոբա վանքի սեփականության մասին, գրել է. «Քանզի ամենայն Աղուանից Նայոց եւ Ղարաբաղու գյառաջին եւ գլխաւոր պարբիարքարանն է Գանձասարու վանքս, եւ է այժմ մերթապաղիարան եւ երկրորդն է Դաթու վանքն արքեպիսկոպոսարան, որ յոթն հարիւր ամէ յորս սոքա շինեցեալ ի յազգէն թագաւորացն հայոց, եւ վասն հոգեոց մասին իրեանց, եւ կառավարութեան Կրկնայն կայսկոպոսաց, վարդապետաց եւ այլ վանականաց, շնորհեալ են յիշեալ վանօրէիցս գլխօրայս, ծառայս վարելոյ հանդս եւ հանդասարանս ջրարբի եւ անջուր, որ նոքօք կառավարեն գկեանս իրեանց վանականքն, եւ ազօթս մարտցանեն առ Աստուած վասն խաղաղութեան աշխարհի մինչեւ ի ժամանակս պարսից Շահերին եւ Ղարաբաղու խաներին...եւ մեծամեծաց վկայական գրով հաստատեալ են յիշեալ վանքի սեփական ինչքն: Եւ նմանապէս եւ զմզմուր ծառայքն, որ միայն զվանական գործ են կատարեալ այսինքն ռաջբարք, Կառապանք, ձիապանք, ոչխարապանք, այգեպանք, ջրացպանք, եւ այլ ապաստարք վանականք, եւ գտցին ծառայութեան վանիցն այն է եղեալ որ չեն խափանել զվանական գործն, եւ մարմնաւոր կառավարչաց, ոչինչ ժամանակի խարճ եւ բէկար չեն արուեալ: Տակաւին պարսեալ է, որ ի ժամանակի մեծ շինութեան վանօրէից, խնդրեալ են յերկրիս կառավարչաց, յօգնութիւն առնել վանից, զի ոմանք յօգնութիւն են արարեալ...որպէս ի 1772 յամի հանգուցեալ եղբայրն իմ Յոհաննէս պարբիարգն Նայոցն Աղուանից վասն Գանձասարու վանիցս գլխայն վերստին նորոգման ժամանակին...»: Գրութիւնն ավարտվում է հետևյալ կերպ. «Յամի 1828, յամսեանն նոյեմբեր 28, համար 318, ի Սուրբ Աթոռս Գանձասարու... մերթապաղի Նայոցն Աղուանից արքեպիսկոպոս Սարգիս Նասան-Ջալալեան»²⁹:

Սակայն ուր երկար ու ձիգ ամիսների անիմաստ ու անտեղի բանտարկությունը, դժբախտաբար, մերթապաղի Նասան-Ջալալյանի համար ճակատագրական եղավ՝ անդառնալի հարված հասցնելով նրա կյանքին:

²⁸ Տե՛ս անդ, էջ 145:

²⁹ «Վանքագրեր Նայ եկեղեցու պարմութեան», գիրք Թ, Նայ Առաքելական եկեղեցու Արցախի թեմը 1813-1933թթ., կազմեց Մանուկ Բեքոյանը, Երևան, 2001, էջ 52-53, (այսուհետեւ՝ ՎՆԵՊ, գիրք Թ):

Արցախի վերջին Կաթողիկոս և առաջին մկրտապոլիպ, արքեպ. Սարգիս Նասան-Ջալալյանը մահացել է 1828թ. դեկտեմբերի 19-ին՝ «թողնելով Բաղդասար եպիսկոպոսին հագար և մի խառն և անլուծանելի գործերի մէջ ընկղմած»³⁰:

Սարգիս Նասան-Ջալալյանի եղբորորդի Բաղդասար եպիսկոպոս Նասան-Ջալալյանը, Ամենայն Տայոց Կաթողիկոս Եփրեմ Չորագեղցուն ուղղված 1829թ. փետրվարի 15-ի նամակում գրել է. «Սրբազան մկրտապոլիպ Տայրն մեր՝ ի դեկտ. ամսեան ի 19-ին փոխեցաւ առ Աստուած, և եթող զմիաբանութիւնս և զվանս մեր որբացեալ ի թշուառագոյն վիճակի սգոյ և քրտմութեան»³¹:

Տեղեկացնելով Սարգիս մկրտապոլիպի մահվան մասին՝ Բաղդասար եպիսկոպոսը իր հորեղբոր հիշատակին Եփրեմ Կաթողիկոսին նաև հինգ ոսկի է ուղարկել³²:

Մակար Բարխուդարյանցը նրա մահվան հետ է կապում Աղվանից կաթողիկոսության հեռացումը պարմական թարերարեմից. «...վախճանուած է կաթողիկոսութիւնն Աղուանից և թաղուած վերջին Սարգիս Կաթողիկոս Ջալալեանցի (ճիշտն ու ամբողջականը Նասան-Ջալալյանի – Ս. Ն-Ջ.) գերեզմանում»³³:

Սարգիս արքեպ. Նասան-Ջալալյանի գործունեության ժամանակ, եթե մի կողմից փակվեց Արցախի կաթողիկոսության պարմության վերջին էջը, ապա մյուս կողմից բացվեց նույն փարածքն ընդգրկող մկրտապոլիպության պարմության առաջին էջը:

Արցախի վերջին Կաթողիկոս և առաջին մկրտապոլիպ Սարգիս արքեպ. Նասան-Ջալալյանի մարմինն անփոփոխված է Նասան-Ջալալյանների պոհմական գերեզմանաբանը: Գանձասարի վանքի գավթի հարավում գրնվող մեծ և փափակ, երեսին հովվական գավազանի պարկերով փապանաքարի վրա արձանագրված է երեք փող.

«ԱՅՍ Է ՏԱՊԱՆ ՍԱՐԳԻՍ ԱՂՈՒԱՆԻՅ
Կ[Ա]Թ[Ո]Ղ[Ի]Կ[Ո]ՄԻՆ, ՈՐ Է ՅԱԶԳԷՆ ՋԱՂԱ ԴՕԼԻՆ:
ԹՎԻՆ] :ՌՄՆԷ: (1828)»³⁴:

30 **Գրիգոր Տեր-Յովհաննիսեանց**, Բաղդասար մկրտապոլիպ Նասան-Ջալալեանցի համառոտ կենսագրություն. «Փորձ», 1880, թիւ 5, էջ 156:

31 ՎՆԵՊ, գիրք Թ, էջ 56:

32 Ա. Մաղալյան, էջ 146:

33 **Մակար եպիսկոպոս Բարխուդարեանց**, Աղուանից երկիր և դրացիք: Արցախ, Երևան, 1999., էջ 156:

34 «Դիվան հայ վիճագրության», պրակ V, Արցախ, կազմեց Սեդրակ Բարխուդարյան, Երևան, 1982, էջ 66: